

## **MEMORIA XUSTIFICATIVA DA NECESIDADE DO CONCERTO SOCIAL**

Artigo 10.2.a) do Decreto 229/2020, do 17 do decembro, polo que se desenvolve o réxime de concertos sociais no ámbito da Comunidade Autónoma de Galicia.

**EXECUCIÓN DO PROGRAMA DE INTERVENCIÓN EDUCATIVA INTEGRAL CON PERSOAS MENORES QUE TEÑAS QUE CUMPRIR MEDIDAS XUDICIAIS E OUTRAS ACTUACIÓNS DE MEDIO ABERTO PREVISTAS NA LEI ORGÁNICA 5/2000 DO 12 DE XANEIRO, REGULADORA DA RESPONSABILIDADE PENAL DOS MENORES, NA PROVINCIA DA CORUÑA.**

**A. Necesidade do concerto social e da concorrencia das circunstancias que fagan necesario acudir á convocatoria dun concerto social.**

A Consellería de Política Social e Xuventude, a través da Dirección Xeral de Familia, Infancia Dinamización Demográfica, ten asumida entre as súas competencias, de conformidade co Decreto 59/2023, do 14 de xuño, polo que se establece a estrutura orgánica da Xunta de Galicia, segundo o Decreto 124/2022, do 23 de xuño, polo que se establece a súa estrutura orgánica, a execución das medidas ditadas por xulgados de menores, nos termos establecidos na Lei orgánica 5/2000, de 12 de xaneiro, reguladora da responsabilidade penal dos menores .

Esta Dirección Xeral ten previsto formalizar mediante procedemento de asignación de concerto social, o programa arriba referido por un período de vixencia que abrangue dende a data de inicio de vixencia do concerto ( prevista para o 1 de xullo de 2024) ata o 30 de xuño do 2028.

Que o concerto social ten por obxecto:

A intervención educativa integral con persoas menores que teñen que cumprir dentro do ámbito da provincia da Coruña, medidas non privativas de liberdade, denominadas de medio aberto, impostas polos xulgados de menores ou que teñan que realizar tarefas e actividades de reparación extraxudicial, de acordo co establecido na Lei orgánica 5/2000 de 12 de xaneiro, de maneira que quede garantizada a execución das seguintes medidas de medio aberto:



- a) Tratamento ambulatorio.
- b) Asistencia a centro de día.
- c) Permanencia de fin de semana en domicilio.
- d) Liberdade vixiada (cautelar e ditada en sentenza firme).
- e) Prestacións en beneficio da comunidade.
- f) Realización de tarefas socioeducativas.

O emprego da figura do concerto social está xustificado na incorporación desta figura á Lei 13/2008, do 3 de decembro, de servizos sociais de Galicia, como mecanismo que permite á Administración impulsar as súas relacións coas entidades prestadoras deste tipo de servizos e acadar unha maior seguridade xurídica nas actividades económicas deste sector. Esta modalidade está xustificada pola Directiva 2014/24/UE do Parlamento Europeo e do Consello, do 26 de febreiro de 2014, na que se lle recoñece aos Estados membros e aos poderes públicos a capacidade de organizaren os servizos sociais de modo que non sexa necesario formalizar contratos públicos, sempre que no dito sistema se garanta unha publicidade suficiente e se axuste aos principios de transparencia e non discriminación. En termos semellantes se expresa a Lei 9/2017, do 8 de novembro, de contratos do sector público, toda vez que a través dela se traspón ao ordenamento xurídico español a dita directiva.

Ademais, o emprego do concerto social neste caso axústase ao disposto no Decreto 229/2020, do 17 de decembro, polo que se desenvolve o réxime de concertos sociais no ámbito da Comunidade Autónoma de Galicia. O seu artigo 2 indica que se poderá empregar esta figura coas entidades que ofrezan servizos sociais previstos nas carteiras de servizos vixentes que se determinen. O acollemento familiar está previsto no Decreto 192/2015, de 29 de outubro, polo que se define a Carteira de servizos sociais de familia, infancia e adolescencia.

## **B. Modalidade do concerto social**

A modalidade de concertación que se empregará consiste no procedemento de asignación de concertos, regulado no artigo 9 do Decreto 229/2020, do 17 de decembro, polo que se desenvolve o réxime de concertos sociais no ámbito da Comunidade Autónoma de Galicia.

## **C. Idoneidade do concerto social**

O concerto social trátase dun novo mecanismo que permite impulsar a relación da Consellería de Política Social e Xuventude coas entidades prestadoras de servizos sociais e acadar unha maior seguridade xurídica nas actividades económicas deste sector. Á súa vez, incorpora na provisión dos servizos sociais os principios de atención personalizada e integral, o que supón un modelo acaído para a atención da infancia e adolescencia en situación de desprotección.



É por isto que se considera idóneo este mecanismo do concerto social para levar a cabo execución do programa de intervención educativa integral con persoas menores que teñas que cumprir medidas xudiciais e outras actuacións de medio aberto previstas na lei orgánica 5/2000 do 12 de xaneiro, reguladora da responsabilidade penal dos menores.

## **D. Xustificación dos criterios e requisitos establecidos**

### **1. Criterios de selección e preferencia**

1.1. Neste procedemento de asignación de concerto establécense os seguintes criterios para a selección da entidade adxudicataria, coa finalidade de acadar unha valoración que sirva para establecer unha orde de prelación para concertar:

a) Calidade do proxecto técnico, 40 puntos, baremado de acordo cos seguintes criterios:

a.1) Calidade do proxecto de intervención educativa, ata 30 puntos, en atención aos seguintes criterios:

- Coherencia entre a problemática e necesidades das persoas menores atendidas e os obxectivos, contidos, metodoloxía e actividades propostas, ata 10 puntos.
- Calidade do sistema de avaliación da intervención proposto no proxecto educativo, ata 10 puntos.
- Detalle do sistema de traballo en rede cos recursos comunitarios e coas familias e da coordinación cos órganos xudiciais, fiscalías e entidade pública, de cara á consecución dun traballo integrado en relación coa persoa menor, ata 10 puntos.

a.2) Adecuación do plan de formación ás características da actividade, ata 5 puntos.

a.3) Ofertas de programas non previstos no apartado Q. do anexo , ata 5 puntos.

Cada programa adicional valorarase cun máximo de 1,25 puntos, en atención aos seguintes criterios:

- Coherencia cos programas esixidos e relevancia da intervención, ata 0,5 puntos.
- Innovación, ata 0,40 puntos.
- Extensión da súa aplicabilidade á integración social e laboral dos menores, a través da creación de redes de apoio alleas á entidade, ata 0,35 puntos.

b) Características do CIEMA, do seu equipamento, e dos recursos técnicos achegados, ata 20 puntos, segundo a seguinte desagregación:

b.1) Situación xeográfica e comunicacións, en particular, dispoñibilidade de medios de transporte colectivo para os traslados ás instalacións e servizos educativos, sanitarios, deportivos ou de lecer, que vaian ser empregados polas persoas usuarias, ata 5 puntos.

b.2) Dimensións, distribución e grao de adecuación dos espazos ás actividades que se vaian desenvolver, ata 5 puntos.

b.3) Grao de conservación, calidade e confortabilidade dos espazos e do seu equipamento, incluída a accesibilidade, ata 4 puntos.

b.4) Características da conexión á internet e dos dispositivos informáticos postos a disposición das persoas menores, ata 1 punto.

b.5) Oferta de equipamentos non previstos no apartado Q ou en número superior ao esixido, ata 5 puntos en atención ao seguintes criterios:

- Incremento sobre o número de prazas mínimas esixidas para cada CIEMA, 0,10 puntos por praza, cun máximo de 10 prazas, máximo 1,00 punto.

- Novo equipamento que cumpra os requisitos previstos no artigo 7 do Decreto 254/2011, do 23 de decembro, polo que se regula o réxime de rexistro, autorización, acreditación e a inspección dos servizos sociais en Galicia e as características previstas para un centro de día no Decreto 329/2005, do 28 de xullo, polo que se regulan os centros de menores e os centros de atención á infancia, e conte cun número mínimo de 8 prazas. So se valorará 1 novo equipamento en distinta localidade da que radique o CIEMA, 4 puntos.

c) Medidas de conciliación da vida persoal, familiar e corresponsabilidade, ata 10 puntos, de acordo co establecido no artigo 57 da Lei 5/2021, do 2 de febreiro, de impulso demográfico de Galicia, valorarase a existencia na empresa de políticas en materia de conciliación da vida persoal, familiar e laboral e corresponsabilidade que se apliquen na execución deste concerto do seguinte xeito:

c.1) Estar en posesión da Marca Galega de Excelencia en Igualdade, ou equivalente, 4 puntos.

c.2) Estar en posesión do Certificado de Empresa Familiarmente Responsable, ou equivalente, 4 puntos.

c.3) Estar en posesión do recoñecemento á promoción da parentalidade positiva, outorgado polo Ministerio de Sanidade, Consumo e Benestar Social xunto coa Federación Española de Municipios e Provincias (FEMP), ou equivalente, 2 puntos.

d) Continuidade na atención prestada e implantación na provincia onde se presta o servizo, ata 15 puntos. Computarase un punto por cada ano que a entidade solicitante



veña desenvolvendo o servizo na provincia á que se refira a oferta.

e) Polos anos de servizo acreditados pola entidade no ámbito da infancia e á adolescencia, ata 15 puntos. Computarase un punto por cada ano por encima do requisito mínimo para optar ao concerto (dous anos).

Empregarase como primeiro criterio de desempate o número de integrantes do cadro de persoal superior ao 2 % nos termos do artigo 147.1 a) e o Acordo do Consello da Xunta de 8/4/2010 así como o previsto no Real Decreto Lexislativo 1/2013, do 29 de novembro, polo que se aproba o Texto Refundido da Lei Xeral de dereitos das persoas con discapacidade e da súa inclusión social. No caso de que varias empresas se atopen nestas circunstancias, terá preferencia na adxudicación do concerto o licitador que acredite maior porcentaxe de traballadores fixos con discapacidade no seu cadro de persoal.

## **2. Xustificación dos requisitos**

Os requisitos que se propoñen para que as entidades poidan participar son os seguintes:

a) Estar debidamente inscritas no Rexistro único de entidades prestadoras de servizos sociais da Comunidade Autónoma de Galicia.

b) Contar coa solvencia suficiente segundo os seguintes indicadores:

b.1) Solvencia económica e financeira. Acreditarase por un dos seguintes medios:

b.1.1) Volume anual de negocios, referido aos tres últimos exercicios concluídos dispoñibles en función da data de creación ou inicio das actividades da entidade. Reputarase solvente a entidade licitadora que acredite ter un volume de negocios no ámbito da atención á infancia e á adolescencia, referido ao ano de maior volume de negocios dos últimos tres concluídos, por un importe igual ou superior a 308.000,00 euros anuais

b.1.2) Un seguro de indemnización de responsabilidade civil, vixente ata o fin do prazo de presentación de ofertas, por un importe igual ou superior a 308.000,00 euros anuais.

A súa acreditación efectuarase por medio de:

1. Unha declaración responsable asinada polo representante legal do licitador na que se exprese o importe asegurado e a súa vixencia, que deberá ser igual ou superior aos valores anuais indicados.



2. Unha vez adxudicado o concerto, a entidade que resulte adxudicataria estará en condicións de aportar de ser requirida, un certificado expedido pola aseguradora, na que consten os importes e riscos asegurados e data de vencemento do seguro, así como un documento de compromiso vinculante de subscripción, prórroga ou renovación do seguro, no caso en que proceda para garantir o mantemento da súa cobertura durante a execución do concerto.

b.2) Solvencia técnica e profesional:

Reputarase solvente a entidade concertante que acredite o seguinte requisito:

- ter un ou varios servizos de natureza análoga ao obxecto deste concerto, que se prestasen a algunha Administración Pública ou entidade privada (contabilizados ata o fin do prazo de presentación de proposicións) cuxos importes acumulados sen IVE no ano de maior execución sexa igual ou superior ao 50% do importe medio anual do custe do concerto social, sendo este custe de 615.526,51 €

c) Contar cunha experiencia mínima de atención á infancia e á adolescencia de 2 anos.

d) Estar ao día no cumprimento das obrigas tributarias e coa Seguridade Social impostas pola lexislación vixente.

e) Estar ao día no pagamento das débedas coa Administración pública da Comunidade Autónoma de Galicia.

f) Estar en condicións de poder presentar, de resultar adxudicataria, os seguros que se detallan no punto K.3 desta resolución (póliza de seguros dos locais, e de responsabilidade civil e de accidentes).

g) Acreditación da titularidade do centro ou dispoñibilidade mediante calquera título xurídico válido por un período non inferior ao da vixencia do concerto, así como, de ser o caso, a autorización da entidade ou persoa titular do local onde se atopa o centro e/ou se prestan os servizos.

h) Estar en condicións de acreditar o cumprimento da normativa que, con carácter xeral ou específico, lle sexa aplicable, tanto pola natureza xurídica da entidade como polo tipo de servizo obxecto do concerto social.

i) Dispoñer, a data de 15 de xuño de 2024, do Permiso de Inicio de Actividades para o CIEMA que oferten. Tendo en conta que o 15 de xuño pode ser posterior ao remate do prazo para a presentación de solicitudes, o cumprimento deste requisito será obxecto de comprobación de oficio pola propia Administración.

Os requisitos esixidos para a subscripción deste concerto adáptanse ao establecido no artigo 6 do Decreto 229/220, do 17 de decembro. Polo que respecta á definición da solvencia económica e financeira e da técnica e profesional tomouse como criterio os baremos delimitados na Lei 9/2017, do 8 de novembro, de contratos do sector público, como normativa supletoria.

E para que conste, asínase esta memoria, en Santiago de Compostela, *(na data da sinatura dixital)*

O director xeral de Familia, Infancia e Dinamización Demográfica

Jacobo José Rey Sastre

*DOCUMENTO ASINADO DIXITALMENTE*

